

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosna i Hercegovina
Federation of Bosnia and Herzegovina
Canton Sarajevo
Municipality of Ilijas
MUNICIPALITY MAJOR

Služba za društvene djelatnosti i poslove mjesnih zajednica

Broj: 07-sl./18

Ilijaš, 09.02.2018.godine

STRUČNA SLUŽBA OPĆINSKOG VIJEĆA I OPĆINSKOG NAČELNIKA

ODGOVORI NA VIJEĆNIČKA PITANJA I INICIJATIVE SA 16. SJEDNICE OPĆINSKOG VIJEĆA ILLJAŠ održane 30.01.2018.godine

Ilijaš, februar 2018.godine

Ul. 126. ilijske brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail drustvenedjelatnosti@ilijas.ba

ISO 9001
BUREAU VERITAS
Certification



Broj certifikata:CRO20063Q

ALMIR ŠPIODIĆ – vijećnik BPS-Sefer Halilović

Inicijativa:

Pokrećem inicijativu prema Organizacionom odboru za obilježavanje Dana općine Ilijaš i Dana nezavisnosti Republike BiH, a ona se odnosi na slijedeće:

Obzirom da nam svečanosti povodom obilježavanja navedenih praznika u posljednje vrijeme sve više liče na nešto drugo, a ne na svečanosti i svake godine ovo obilježavanje je sve siromašnije kada je u pitanju prisustvo građana. Nije dovoljno da se na polaganju cvijeća svake godine pojavljuju isti ljudi: vijećnici i nekoliko predsjednika savjeta mjesnih zajednica i nekoliko predstavnika udruženja. Znamo svi da je 1. Mart dan kada smo dobili nezavisnu Republiku BiH i to je jedan od rijetkih datuma koji se može slaviti, a sve poslije 1. Marta su obilježavanja kroz koja se s tugom i bolom sjećamo naših žrtava, ljudi koji su dali živote za ovu zemlju kakva god da je, naša je, jer mi druge zemlje nemamo. Iz tog razloga 1. Mart, kao Dan nezavisnosti Republike BiH trebamo dostoјanstveno proslaviti sa bogatim, kulturnim, sportskim i zabavnim programom za sve građane općine Ilijaš. Predlažem da se u vrijeme predstojećih praznika izvrši dekoracija užeg jezgra grada Ilijaša sa postojećim ukrasnim rasvjetnim sadržajima i državnim obilježjima. Također, tražim da se na manifestaciju pozovu sva udruženja i nevladine organizacije koje egzistiraju na području općine Ilijaš i koje se finansiraju iz Budžeta općine Ilijaš da se pridruže sa svojim članovima na obilježavanju manifestacije.

Odgovor:

Inicijativa je prihvaćena od strane Organizacionog odbora za obilježavanje Dana općine Ilijaš i Dana nezavisnosti BiH za 2018.godinu i bit će poduzete mjere i radnje na njenoj realizaciji.

SEMIR DIZDAREVIĆ – samostalni vijećnik

Inicijativa:

2. Pokrećem inicijativu da se izvrši sanacija sportskog centra "Mahir Pušina-Dinko" u Misoći, obzirom da je isti trenutno u općenito lošem stanju.

Obrazloženje: Sportski centar "Mahir Pušina-Dinko" je prvi izgrađen na području MZ Misoča i od same izgradnje i puštanja u upotrebu istog, skoro sve troškove su finansirali stanovnici i korisnici istog. Trenutno, skoro pa cijeli Centar, zahtjeva obnovu, počevši od toga da je ploha za fudbal u lošem stanju, da vise limene ploče sa natpisom Centra i da u svakom trenutku može pasti i povrijediti nekog, pa do same ograde i tribina. Cijenimo da se radi na izgradnji novih igrališta i slično na području MZ Misoča, ali prije investiranja u nove stvari, mišljenja sam da treba održavati postojeće.

Zbog gore navedenog pokrećem inicijativu da se izvrši rekonstrukcija istog.

Odgovor:

Općina Ilijaš nastoji da u skladu sa raspoloživim sredstvima održava postojeća i gradi nova sportska igrališta na području općine Ilijaš, pri tome koristeći sredstva Budžeta Općine i sredstva viših nivoa vlasti i donatora. Općina Ilijaš je zahvaljujući transferu sredstva od strane Ministarstva kulture i sporta Kantona Sarajevo, 2005.godine izgradila sportske plohe za rukomet i košarku u Sportskom centru "Mahir Pušina-Dinko" u Misoći, za što su izdvojena sredstva u vrijednosti od 26.992,30 KM. Općina Ilijaš je 2010.godine finansirala i

ugradnju reflektora u vrijednosti 8.000,00KM i vodila postupak legalizacije ovog sportskog objekta i upis u zemljišne knjige, pri tome finansirajući troškove tehničkog pegleda radova. Budžet općine Ilijaš za 2018.godinu je usvojen i Budžetom nisu planirana sredstva za rekonstrukciju ovog sportskog centra, ali svakako potrebno je u skorijoj budućnosti planirati sredstva za ovu namjenu.

ALAN ŠERAK – vijećnik SDP-a

Inicijativa:

1. Pokrećem inicijativu da se izvrši inoviranje akata vezanim za izbore u mjesnim zajednicama.

Obrazloženje: Imajući u vidu da smo u proteklom periodu uočili manjkovost akata koji regulišu izbore u mjesnim zajednicama, potrebno je da se postojeći akti inoviraju prije nego se pristupi predstojećem izbornom procesu u mjesnim zajednicama.

Odgovor:

Nadležna Služba za društvene djelatnosti i poslove mjesnih zajednica prihvata predloženu inicijativu, ali da bi pristupila njenoj realizaciji trebala bi od Kolegija Općinskog vijeća Ilijaš i Komisije za poslove mjesnih zajednica i saradnju sa drugim općinama i gradovima dobiti smjernice na koji način je potrebno inovirati propise. Pri tome naravno ne smijemo zanemariti činjenicu da je većina pitanja koja se odnose na rad Mjesnih zajednica i provođenje izbora u mjesnim zajednicama definisana Statutom općine Ilijaš-prečišćeni tekst (“Službene novine Kantona Sarajevo”, broj: 20/09), poglavljje VI Mjesna samouprava (mjesna zajednica) Član. 75 do 94.

Služba za društvene djelatnosti i poslove mjesnih zajednica